

Tornberg հեռեւեալ տիտղոսով՝ Ibn-el-Athiri Chronicon quod perfectissimum inscribitur, Vol. 1—12 und 13, 14 Indices. Lugduni Bat. 1867—74. Հասկանալի է, որ Իբն-էլ-Աթիր իւր բնդարձակ գործը ի կատար ածելու համար շատ անգամ դիմել է պատրաստի արաբացի աղբիւրներին. այսպէս Հայաստանի պատմութիւնը նա բառացի շատ տեղեր քաղել է Բելաղորիից եւ մասամբ եւս Տաբարիից. այս հատուածները ես հարկաւ աւելորդ համարեցի կրկնել, առաջ բերելով մեր հեղինակի նոր կամ տարբեր վկայութիւնները:

Արտաշիր որդի Պապակի արշաւեց Ջաբալի, Ատրպատականի, Հայաստանի եւ Մոսուլի վերայ եւ տիրեց այս երկրներին դէնքի զօրութեամբ:

Ափխազք, Բանաջարք, Բալանջարք եւ Ալանք միասին գումարուեցան՝ Անուշիրվանի երկրները ատպատակելու համար եւ արշաւեցին Հայաստան՝ աւարառութեան նպատակով: Ճանապարհը առանց խոչնդոտի էր, որովհետեւ Անուշիրվան սպասեց, մինչեւ նոքա երկրի խորքը մտան. այն ժամանակ նա ուղարկեց նոցա դէմ մի քանի զորագնդեր, որոնք ձակատեցան նոցա հետ եւ կատարեցին նոցա բացի 10.000 գերեալներից, որոնց նա բնակեցրեց Ատրպատականում:

Պերոզ արքայ կառուցել էր Սուլի եւ Ալանաց կողմերում շինութիւն՝ իւր հողերը նորանով պաշտպանելու համար. իսկ նորա որդի Պալատ բազմացրեց շինութիւնների թիւը: Անուշիրվան կառուցեց Սուլ եւ Ջորջան գաւառներում բազմաթիւ շինութիւններ եւ ամրոցներ՝ իւր բոլոր հողերը նոցա միջոցաւ պաշտպանելու համար: Սիջիուր (?) խաքանը արշաւեց նորա երկրի վերայ. թուրքերը հզօր էին, Խազարք, Ափխազք եւ Բալանջարք հարուստ էին եւ կը հնազանդէին